

Broj: UP1-06-13-1-243-2/21
Mostar, 11.11.2021. godine

Na osnovu člana 21. stav (1) tačka 9), člana 37., člana 84. stav (3), člana 87. stav (2) i člana 88. stav (1) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 10., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 38., člana 42. stav (1) tačka a) i člana 43. Pravilnika za izdavanje dozvola („Službene novine Federacije BiH“ broj 2/17, 39/20 i 82/21), člana 9a. stav (1) Pravilnika o metodologiji i načinu obračuna regulatornih naknada za imaoce dozvola – Prečišćeni tekst („Službene novine Federacije BiH“ broj 94/19), postupajući po Zahtjevu za oduzimanje dozvole za rad broj UP1-06-13-1-243-1/21 od 29.10.2021. godine podnosioca EZPADA d.o.o. Mostar, Biskupa Čule b.b., Mostar, zastupanog po zakonskom zastupniku Dariju Krtaliću, u postupku oduzimanja Dozvole za snabdijevanje električnom energijom – dozvole II reda broj 06-03-908/155/16, Regulatorna komisija za energiju u Federaciji Bosne i Hercegovine – FERK je 11.11.2021. godine na XXII redovnoj sjednici donijela sljedeće

R J E Š E N J E **o oduzimanju dozvole**

1. Imaocu dozvole EZPADA d.o.o. Mostar oduzima se Dozvola za snabdijevanje električnom energijom – dozvola II reda broj 06-03-908/155/16, izdata Rješenjem broj 06-03-908-06/155/16 od 23.11.2016. godine, sa periodom važenja od 19.03.2017. godine do 18.03.2022. godine.
2. Imalac dozvole iz tačke 1. ovog rješenja obavezan je platiti regulatornu naknadu za 2021. godinu za period važenja dozvole u 2021. godini u iznosu od 8.615,61 KM.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj 06-03-908-06/155/16 od 23.11.2016. godine, kojim je izdata Dozvola za snabdijevanje električnom energijom – dozvola II reda broj 06-03-908/155/16.

O b r a z l o ž e n j e

Članom 21. stav (1) tačka 9) Zakona o električnoj energiji u Federaciji Bosne i Hercegovine propisano je da je nadležnost FERK-a izdavanje, obnova, prenos ili oduzimanje dozvola za proizvodnju, distribuciju, snabdijevanje, trgovinu električne energije i operatora za obnovljive izvore energije i efikasnu kogeneraciju. Članom 84. stav (3) ovog zakona propisano je da je imalac dozvole dužan ispunjavati obaveze utvrđene dozvolom za rad, dok je članom 87. stav (2) istog zakona propisano da FERK izdaje, obnavlja, prenosi ili oduzima dozvole za rad u skladu sa

procedurama propisanim posebnim aktima FERK-a, poštujući načela hitnosti postupka, a članom 88. stav (1) navedenog zakona da se zahtjev za izdavanje, obnovu, izmjenu, dopunu ili prenos dozvole za rad podnosi FERK-u.

Članom 38. Pravilnika za izdavanje dozvola propisano je da se postupak obnove, izmjene i dopune, prenosa i oduzimanja dozvole za rad može pokrenuti na zahtjev imaoaca dozvole i na vlastitu inicijativu FERK-a, dok je članom 42. stav (1) tačka a) istog pravilnika propisano da FERK može oduzeti dozvolu za rad ukoliko imalac dozvole podnese zahtjev za oduzimanje dozvole za rad. Članom 43. stav (1) ovog pravilnika propisano je, pored ostalog, da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, dok je stavom (2) istog člana propisano da ukoliko su u zahtjevu za pokretanje postupka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu i bez održavanja javne rasprave.

FERK je 29.10.2021. godine primio od podnosioca EZPADA d.o.o. Mostar Zahtjev za oduzimanje dozvole za rad pod brojem UP1-06-13-1-243-1/21, koji se odnosi na Dozvolu za snabdijevanje električnom energijom – dozvolu II reda broj 06-03-908/155/16, sa periodom važenja od 19.03.2017. godine do 18.03.2022. godine, koju je FERK izdao Rješenjem broj 06-03-908-06/155/16 dana 23.11.2016. godine.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev potpun u smislu člana 12. Pravilnika za izdavanje dozvola.

Polazeći od prava podnosioca zahtjeva kao imaoaca dozvole da od FERK-a zahtjeva oduzimanje izdate mu dozvole za rad uslijed njegove odluke da ne obavlja elektroprivrednu djelatnost za koju mu je izdata dozvola za rad, FERK je, u skladu sa odredbom člana 42. stav (1) tačka a) Pravilnika za izdavanje dozvola, izvršio pregled primljenog zahtjeva. Obzirom da su uz zahtjev za oduzimanje dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da je podnosilac zahtjeva odlučio ne obavljati elektroprivrednu djelatnost za koju je izdata dozvola za rad, FERK je utvrdio da su ispunjeni uslovi za primjenu odredbe člana 43. stav (2) Pravilnika za izdavanje dozvola.

Na osnovu provedenog postupka oduzimanja Dozvole za snabdijevanje električnom energijom – dozvole II reda broj 06-03-908/155/16, koju je FERK izdao 23.11.2016. godine podnosiocu zahtjeva EZPADA d.o.o. Mostar, analize Zahtjeva za oduzimanje dozvole za rad broj UP1-06-13-1-243-1/21 od 29.10.2021. godine i dokumentacije priložene uz isti, utvrđeno je da se zahtjevu EZPADA d.o.o. Mostar može udovoljiti, u skladu sa članom 21. stav (1) tačka 9), članom 84. stav (3), članom 87. stav (2) i članom 88. stav (1) Zakona o električnoj energiji u Federaciji Bosne i Hercegovine, a u vezi sa članom 43. stav (2) Pravilnika za izdavanje dozvola.

Rješenjem FERK-a broj 08-11-537-1/21 od 24.03.2021. godine („Službene novine Federacije BiH“ broj 26/21) EZPADA d.o.o. Mostar je, kao imaoцу Dozvole za snabdijevanje električnom energijom – dozvole II reda broj 06-03-908/155/16, u tački 260. utvrđen fiksni dio regulatorne naknade za 2021. godinu u iznosu od 10.000,00 KM i varijabilni dio regulatorne naknade za 2021. godinu u iznosu od 14,96 KM, odnosno ukupna regulatorna naknada za 2021. godinu u iznosu od 10.014,96 KM. EZPADA d.o.o. Mostar je, postupajući u skladu sa FERK-ovim obavještenjima o obavezi plaćanja regulatorne naknade, izvršio uplatu iznosa od 10.014,96 KM. U skladu sa članom 9a. stav (1) Pravilnika o metodologiji i načinu obračuna regulatornih naknada za imaoce dozvola, imaoцима dozvola za obavljanje elektroprivrednih djelatnosti i Operatoru za

OIEiEK, kojima se vrši oduzimanje dozvole, iznos regulatorne naknade preračunava se pojedinačnim rješenjem u skladu sa periodom važenja dozvole u tekućoj godini. Obzirom na navedeno, regulatorna naknada za 2021. godinu je preračunata za period važenja dozvole u 2021. godini i ista sada iznosi 8.615,61 KM, te će FERK razliku u iznosu od 1.399,35 KM uplatiti na transakcijski račun EZPADA d.o.o. Mostar, o čemu će se imaoocu dozvole ispostaviti posebno obavještenje.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja EZPADA d.o.o. Mostar može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a

Sanela Pokrajčić, s.r.